

KOMMUNIKAMMA



TEKS van die WEEK:

Joh 4:10 *“Werklike liefde is dit; nie die liefde wat ons vir God het nie, maar die liefde wat Hy aan ons bewys het deur Sy Seun te stuur as versoening vir ons sondes”*

SAKE vir GEBED:

- * Ons dank God dat Hy ons Kraggakamma Gemeente, al vir 47 jaar elke dag seën.
- * Dank God dat Hy vir ons die geleentheid gee om gedurende die Lydenstyd saam met duisende Christene wêreldwyd Sy marteling en dood te kan gedenk.
- * Werkloosheid, misdaad, armoede, staatskorrupsie, swak onderwysstelsel, diefstal en sedelike verval vier hoogty in ons land. Ons bid dat God daadwerklik sal ingryp.
- * Bid asseblief vir Willie Esterhuizen wat weer in die hospitaal was. Dra ook sy familie aan die Here op.
- * Ons glo dat Willie Möller ook spoedig tuis sal wees en dat hy gou sal aansterk.
- * Freek Pretorius kry ook behandeling en het gebed baie nodig.
- * Ina, oom Jan Schnetler se dogter het gebed nodig en ons bid vir vrede in sy gemoed.
- * Lizette Geldenhuys ontvang nog behandeling en ons bid ook vir haar ouers, Gys en Yvette wat haar so blymoedig bystaan en onderskraag.
- * Brendon Slabbert het nog steeds infeksie in sy arm en hy bly moeg. Bid ernstig vir hom.
- * Heila van der Merwe het 'n handoperasie gehad.
- * Dra oom Kallie en Tannie Rooikop Kotze en al ons verswakke bejaardes, of dié wat net nie by die kerk kan uitkom nie, aan die Here op. Ons bid vir beterskap, vrede en liefde.
- * Ons bid baie ernstig dat die coronavirus pandemie gestuit sal word. Ons bid vir die duisende mense wat dit onderlede het en glo dat daar gou 'n teenmiddel gevind sal word.
- * Ons dank God vir al ons sendelinge wat so getrou op God se roepstem antwoord. Ons bid dat Hy hulle in besonder sal seën, beskerm en toerus om voort te gaan om Sy Koninkryk hier op aarde te vestig.
- * Ons dank ons Vader vir die lieflike reën wat landwyd geval het. Ons bly egter op ons knieë en pleit by Hom om ook vir ons reën oor ons opvangsgebiede te stuur.
- * Margita Marx en Peet Viljoen bedank almal wat vir hulle gebid het. Al twee is alweer baie besig.
- * Dra asseblief al ons leerders wat besig is met toetsreekse, aan die Here op.
- * Ons bid vir # Imagine wat 27 – 29 Maart plaasvind.

SONDAG 15 MAART 2020

08:30 Eietydse diens

Baie geluk aan Amori-Lynn, dogtertjie van Renier en Lynn-Thea Rossouw wat vandag gedoop word.

Kamma Kidz

9:45 Kategese

10:00 Klassieke diens

3de Lydensweek

Deurdankoffer is vir Jeug

17:00-18:00 Sanggroep oefening.

Daar is geen teebeurte gedurende die vakansie nie

MAANDAG 16 MAART

12:45 – 14:00 Gebedsgeleentheid in die gebedskamer.

DINSDAG 17 MAART

19:00 Leef@kerk

VRYDAG 20 MAART

05:00 MANNEBYEENKOMS

Ons kom by Elandré Bosch, Lilylaan 68 bymekaar.

There4 se gebedsversoek vir die week:

- ***Bid saam met Christene in Soedan dat ware godsdiensvryheid geïmplementeer sal word ten spyte van die onseker toekoms van godsdiensvryheid in Soedan.***

LYDENSTYD

Lydenstyd is 'n tyd van gebed, vas, skuldbelydenis en verootmoediging waardeur ons as kinders van die Here voorberei vir die groot lydensweek en Paasfees. Ons wil jou uitdaag om in die sewe weke tot Paasweek te vas van iets waarvan jy baie hou. Dalk is dit lekkergoed, koffie of TV kyk? Dalk het dit iets met sosiale media te doen. Daardeur herinner ons onself op 'n klein manier aan Sy Lyding en kan jy sommer gesonder ook anderkant uitkom.

Die doel van vas is om iets op te offer om te fokus op die Here en meer tyd met Hom deur te bring.

In Jes 58:6-7 lees ons ook van 'n ander soort vas: “Nee die vas wat Ek van julle verwag, is dat julle die mense sal vrylaat wat julle onregverdig gevange hou. Hou op om die mense wat vir julle werk, soos gevangenes te behandel. Gee kos vir hulle wat niks het om te eet nie. Gee blyplek aan hulle wat nêrens het om heen te gaan nie. Gee klere vir die mense wat jy kan sien niks het om aan te trek nie. Help jou familie as hulle hulp nodig het.”

Onthou dat vas 'n saak tussen jou en jou Vader is (Matt 6:16-18).

EREDIENSTE IN DIE VAKANSIE

Die volgende **2 Sondag, 22 en 29 Maart** is in die vakansie en daarom is daar net **een gesamentlike diens om 09:00**.

DS MG VERLOF

MG is van eerskomende **Woensdag 18 Maart tot Maandag 30 Maart** met verlof. Indien u in hierdie tyd 'n dominee benodig, kontak asb vir Deon.

KERMIS

Ons benodig sameroepers vir die volgende stalletjies: Koffiewinkel, Sosaties en Brekkie buns. Kontak asb die kerkkantoor indien jy wil help. Ons kermis is op Saterdag 30 Mei. Ons benodig asb voorraad vir die witolifanttafel.

NG KERK PATMOS bied aan:

MARION HOLM

Datum: 3 April 2020

Tyd: 18:30

Plek: Hoërskool DF Malherbe

Koste: R130.00pp

Kaartjies te koop by:

Elizna: 083 258 9860, Leana: 083 567 3133 of Westway cafe 041 369 5422.

Daar is ook 'n paar kaartjies by ons kerkkantoor beskikbaar

LOUISA MEYBURGH TEHUIS: OGGEND TEE

4 April 2020 om 10:00 in Kraggakamma kerk.

Almal word hartlik uitgenooi na die oggendtee ten bate van die Tehuis vir 'n fondsinsameling.

Sandra Prinsloo is ons gasspreker en verversings word na die tyd in die saal bedien. Kaartjies kos **R130** en is beskikbaar by Marlene Postma (041-3605243) of Ansie Vorster (041-3794169).

MIGHTY MEN

Die Oos-Kaap Mighty Men konferensie vind van 13-15 Maart 2020 by die plaas Mooi Uitsig naby Jeffreysbaai plaas. Al die inligting oor die byeenkoms is by www.mightymeneasterncape.co.za beskikbaar.

KLEINSKOOL INISIATIEF

Baie dankie aan al die lidmate wat so ruim bygedra het tot ons nuwe projek. Omtrent 10 jong tieners en 'n hele paar ouer mense en kerkleiers is opgelei in die EE3 kursus, Hoop vir Kinders. Sowat vyftig kinders is reeds ingeskryf vir die eerste van die nuwe kinderbedienings wat op 6 Maart begin. Die gemeenskap is baie opgewonde en baie gebed en moeite gaan in die beplanning. Indien u dalk kryt, kleurpotlode, skêrtjies, gom, gewone potlode, penne, skerpmakers, uitveërs, het wat nie gebruik word nie, kan u dit gerus na die kerkkantoor bring. Hulle kan dit goed gebruik. Skenkings van lekkergoed. veral stokkielekkers, sal

ook baie welkom wees. Hulle soek ook twee springtoue en tennisballe.

Die eerste van twee kinderbedienings is in area 31 Bethelsdorp (gedeelte van Kleinskool). Florence, wat vir jare saam met my gewerk het, neem die voortou met die organisasie en reklame. Ons vra ook u gebed vir Florence, Pastoor Hartebees en die hele span. Margita Marx.

STIMULASIEBOKS PROJEK

Ons is op soek na skoenbokse, verkieslik mansskoenbokse vir ons projek. Bring dit asb na die kerkkantoor toe.

WHATSAPP KOMMUNIKASIE

Indien jy deel van die kerk se whatsapp groep wil wees, stuur asb jou naam met 'n whatsapp aan 071 493 5998. Maak ook seker dat jy die nommer as 'n kontak stoor om sodoende die boodskappe te ontvang. Kontak Niekie by die kerkkantoor vir meer inligting.

KONTAKKAART

'n Groen kontakkaart waarop jy jou besonderhede kan aandui as jy 'n nuwe intrekker is, iemand in die gemeente wat siek is kan aanmeld, 'n afspraak met 'n leraar kan maak, voorbidding versoek, 'n wenk aan die hand kan doen of by die gemeente se dienswerk kan betrokke raak, is in die voorportaal beskikbaar. Vul asseblief jou besonderhede op die kaart in en gooi dit in die bussie wat ook in die voorportaal is. Teken gerus in op ons e-nuusbrief by:

kuberkamma@ngkraggakamma.co.za

KLEINGROEPE

Alle Kleingroepe uit Kraggakamma wat nie op die kerkalmanak aangedui word nie: Selgroepe, Bybelstudiegroepe en omgegroepe – kontak asb vir Elizma Harmse met julle besonderhede. Dalk is daar iemand wat wil inskakel en julle is net die plek vir die persoon. So kan ook persone wat by 'n kleingroep wil inskakel Elizma kontak by 0839405617 of elizma@ipcproperties.com



Gebruik SnapScan en betaal jou:
Dankoffer
Maandelikse Bydrae
Donasie, ens..